

壇廟考第十八 寺觀

辰州府志十八

知府事吳縣席紹葆宜民輯

兩間正氣化合爲神禦災扞患勤事施民三時不害介
福於辰徵諸祭法載祀孔殷邊疇罔覺惟巫是遵叢祠
妖廟佛老互禮竹王赫濯百蠻震震若駭其室如見如
親神道設教豈誕必噴因俗以紀用誌吹幽作壇廟考

第十八

辰州府社稷壇在城東郊明洪武元年令天下郡縣各
建壇爲祀

國朝仍其制週以牆垣立石爲壇神牌以木爲之右府

辰州府志

卷十八

壇廟考

社之神左府稷之神同壇並祭每歲春秋二仲月上
戊日知府率闔屬官致祭

風雲雷雨山川壇在社稷壇側唐宋時惟祀風雲雷明

洪武元年令郡縣祀山川次年令以風雨雲雷爲壇

六年令合爲一壇尋以城隍同壇規制同社稷壇中

爲風雲雷雨之神左爲境內山川之神右爲城隍之

神祭期初用春秋二仲月上巳日今亦用上戊日

郡厲壇在城北明洪武三年令郡邑及鄉都皆立厲壇

制與社稷壇同每歲清明日及七月望十月朔祭無

祀鬼神迎城隍神於壇上主之壇下左方設無祀

神之位坊里各一

城隍廟在西城內飛霞山創建歲月舊志弗詳崇禎十年知府王觀化捐百金重修沅陵宋之龍記

國朝康熙八年知府盧裕礪修二十三年知府劉應中捐俸重新沅陵于湘記殿二楹東西廊廡列祀闔屬城隍前為門二楹每歲春秋附祭於風雲雷雨山川壇右

火星祠在沅陵縣學後元妙觀之右元延祐三年總管毛伯帖木兒創建學政武丙發記

水星祠與火星祠並建

辰州府志

卷十八

壇廟考

二

馬祖廟俗稱馬王蓋天駟星也每歲武官以時致祭其廟一在文昌門萬歷中建一在西郊虎谿山側盧名臣羅成潘趨汪明李光德建

旗纛廟祀蚩尤神也舊在城北辰州衛後久廢今每歲霜降武官迎神祀於演武廳

關帝廟在東郊演武場明正德十二年建嘉靖二十六年分巡道張景賢知府李淳沅陵知縣潘璋指揮馬天祥修上世隆記萬歷四十一年同知劉應卜通判周美梁方楷推官侯加地衛經歷李鉅重修

朝康熙五十四年知府遲熾副將薛士傑重新雍正

朝康

五年奉文春秋二仲月及神誕致祭並祀其迨封
祖光昭公祖裕昌公父成忠公乾隆九年知府馬惟
德二十四年知府王承猷先後重修又有廟一在兩
郊虎谿口盧名臣建康熙四十二年都司邱轟漢守
備馬捷重修一在望城坡康熙二十二年知府劉應
中修自爲記其餘建於鄉村者不勝紀

伏波將軍廟祀漢忠成侯馬公援舊在壺頭山相傳五
代時楚王馬希範建又有云宋建者明宣德初沅陵
主簿傅翔一作祥因郡民之請始建廟於城南對河橫
坡之上卽今廟也尋中亭圯郡人復建並修治堂室

辰州府志

卷十八

壇廟考

三

御史薛瑄記嘉靖十六年廟燬明年沅陵知縣胡晟
出鍰金百兩修其堂旋圯十九年知府吳嘉祥更新
改建王世隆記萬歷十八年分守道郭棻知府趙健
知縣常眞傑移廟方向創大觀亭於山頂棻自爲記
崇禎元年知縣韓芳新之至五年始告竣分守道樊
良樞郡庠張翼乾皆有記

國朝康熙五年知府鄒翼明捐倡修葺何明陽記五十
三年知縣朱爾融重修堂三楹門一楹深邃數十丈
肖公像坐其中修幹白髯神色偉麗如生郡中廟制
以此爲最歲時伏臘官司父老咸祭於廟下其建於

清溪遊界亭及他鄉里者在在有之不能盡悉也

六賢祠在崇正書院後極明正德時祀濂溪周子明道程子伊川程子橫渠張子晦菴朱子南軒張子於其中後廢今督學試院香蕉書舍其址也

棠蔭祠在城南郊里許明時建祀分守道蔡鼎游公震得宜興萬公士和安福鄒公善南豐王公聖臨海項公思教番禺郭公棐皆有德政及民民建祠春秋祀之

按沅陵縣志誤將舊府志見竹王公聖訛讀為鄒公善見不知見竹為王公字又訛辨公震得為震

辰州府志

卷十八

壇廟考

德

吳公祠萬歷中郡民建以祀通判武進吳公瑞登孫繼存記

杜公祠在府學右萬歷中郡民建以祀知府特熟瞿公汝稷

石公祠舊在虎谿書院九母宮之左崇禎甲申郡民建祠刻通判陞知府石公萬有像於石以祀辰谿御史米助國記兵燹後瓦埋地中至乾隆癸未署知府張天如衣而出之並祀於九母宮右陳公祠內

劉公祠在北門倉坡今府學後康熙三十五年郡學諸

生建以祀知府井陘劉公應中教諭魯應才記後地
今知府席紹葆教諭龔佐龍因士民之請重議建祠
以誌弗諼

李公祠初在府城隍右後遷於左康熙三十年郡民建
以祀知府鐵嶺李公慶祖湘潭張玠有記祀田道士
守之

上官公祠在府城隍左李公祠後康熙三十三年郡民
建以祀知府翼城上官公源貢生陳良猷紀於石
王公祠在西郊隆興寺右康熙三十八年郡民建以祀
知府瀋陽王公鎮

辰州府志

卷十八

壇廟考

五

史公祠在今副將署頭門左康熙五十三年營兵建祀
副將朔州包公成後還本姓故今稱史公

哈公祠在文昌門內大街乾隆八年營兵建祀副將河
間哈公尚德

陳公祠在虎谿書院左九母宮右乾隆十五年郡民建
以祀知府金陵陳公嘉穀像於其中祀費沅陵紳士
經理二十八年署知府張天如得石公萬有石刻像
遂並祀焉

沅陵縣

社稷壇在城西郊祭期規制同府

風雲雷雨山川壇在社稷壇側規制同府

縣屬壇在社稷壇前規制同府

先農壇在東郊三晤寺後雍正二年奉文建殿宇設木主祀厲山氏左炎帝右后稷動帑置籍出建倉庫房歲以仲春亥日有司致祭行耕籍禮

城隍廟舊在縣東北百餘里之池蓬司初建水崖屢圯康熙四十三年典史楊之昌改建山頂乾隆二十三年知縣周升乃於府城隍廟右移李公祠於左改爲縣城隍廟迎神像祀之土地廟處處有之

辰州府志

卷十八

壇廟考

六

關帝廟及他廟與府同祀者不復贅

文昌閣在文昌門上宏治末知府張濂建祀梓潼神像雍正十二年知府李珣知縣趙念曾重建復創奎星樓於閣之上又有在北河口麻溪荔溪浦市各鄉里者

準提閣在西郊西口近各三義宮

水星閣在城西北二十里烏速山之巔山石奇聳面小西洞臨西水最足供遊人吟眺

玉皇閣在城南六十里沙坪村康熙四十八年甲民建上觀廟在鶴鳴山明永樂中建

護國水府廟原名雙孝廟里民建以祀黃元仙及瞿夫
人一在西郊酉口明正德六年知府戴敏遷建嘉靖
十九年知府吳嘉祥重修邑紳袁鳳鳴記一在東郊
又稱黃刺史廟

許真君廟在東郊一名旌陽廟又名水府廟雍正五年
江西客民捐貲購地建廟正殿祀晉旌陽令許公遜
中殿祀關帝前爲門雕鏤石坊壯麗宏敞正殿東別
建觀音堂其他建於界亭浦市各處者皆客民公建
歲時代臘便於禱祀

清平廟在城東五里里民建

辰州府志

卷十八

壇廟考

七

文昌廟在城東一百五十五里明月峰之巔乾隆丁丑
里民建

沙湖廟在城東一百六十里界首孟家坪

火官廟在上西關隆興寺之左唐貞觀二年建

王忠臣廟在城東北郊演武場祀明殉難指揮王夢麟

風香廟在城南十二里

朝陽廟在城西四十里麻溪之黃龍山

忠靖王廟在城西南一百二十里之浦市

黔王廟在浦市渡口

萬楊廟在城北二百里萬楊山巔萬歷二年建

九母宮在西郊虎谿山

崇禎十五年

通判石萬有奉文律之權虎谿書院左

天后宮在下南門內樂善坊乾隆十年福建客民捐貲

購地建以祀林女仙正殿立神像歲時伏臘便於禱

祀東為旁室一楹前為門

鶴坡祠在鶴鳴山麓府學之右

元妙觀在城內鶴鳴山巔縣學之後舊名紫極宮宋至

道初改名天慶洪武中重修改今名相傳有銅鑄唐

明皇像祀其中

花極觀一在文昌門內紫宸山康熙癸卯重修一在浦

長州府志

卷十八

壇廟考

市西里許舊名接引菴

報恩寺在東城內天寧山舊名天寧

宋紹興

中郡人改今名山川環建城中一勝區也

普觀寺在東郊元大德中建

三嵎寺在東郊二里三嵎山唐貞觀初建曹學佺名勝

志萬木森羅景色幽絕

青山寺在城東五十里乾隆中知縣王冕題曰青山古

刹

齊巖寺在城東七十里梓木堡乾隆元年建

鐵瓦寺在城東一百五十里萬陽山

高華寺在城東一百五十里懸立高崖險峭異常
隆興寺在西郊虎谿山之麓唐貞觀二年建景泰三年
嘉靖四十年隆慶二年萬歷二十三年郡人先後捐
修相傳寺中有眼前佛國爲董文敏公其昌手蹟今
不存康熙二十六年乾隆十五年二十三年皆募郡
人重修

明月寺在城西二里明月山乾隆二十八年里人重修
龍泉寺在城西五里西口之龍泉山萬歷四十三年建
後屢募修爲殿三楹東麓爲映江閣詩僧悅可靜室
西有泉一泓卽龍泉也山徑幽幽西水清環郡中遊

辰州府志

卷十八

壇廟考

九

觀之區題咏甚富

崖梁寺在城西四十里清水堡崇禎八年石萬春建
樂鶴寺在城西五十里萬歷中建

鳳山寺在城南對岸東鳳凰山之巔萬歷二十八年知
府屠本峻構廟祀真武後楹爲寺僧圓相復募建觀
音堂於右崇禎七年修康熙七年大修乾隆二十三
年建一天門於山之半面挹辰河俯視郡城廬舍烟
樹平鋪如掌秋高吟眺近郭之勝無逾於此

廣福寺在河上洲

金盆寺在城南九十里乾溪堡康熙四十五年建

雙修寺在聚雲山康熙四十年僧自明建

崇興寺在城北

雲臺寺在城東南五里雲臺山明時建乾隆十二年修
復建藏經塔於左

浦峰寺在城西南一百二十里浦市唐時建於浦溪宋

元祐中始遷江東

上方寺在浦市俗呼上菴

迴巒寺在城西南十里迴巒山一名興隆乾隆十年邑
人張玠捐修

正道寺舊在城西北二十里小酉山之巔寺有懸鐘爲

辰州府志

卷十八

壇廟考

十

至元三年鑄創建或卽其時乾隆初遷於記崑之對
溪

普安寺曹學佺名勝志在城東北泉山有寺基

水竹菴在東郊迴龍山

雲棲菴在東郊雲棲山俗呼白衣菴康熙七年建

太平菴在城東三十里常安山爲四境祈禱之所

水晶菴在城東七十里萬歷中建俗呼迴龍菴

竹亞菴在城東七十里平溪

白雲菴在城東八十里白雲山萬歷初建

水田菴在城東八十里北溶萬歷初建

中華菴在城東一百里龍潭

伏虎菴在城東一百二十里木南山乾隆元年建

朝陽菴在城東一百二十里官莊堡

水星菴在城東一百二十五里中山康熙十二年建

明月菴在城東一百五十里明月峰之巔素崖峭壁高

入雲中遊者上至半頂渡飛橋始達於菴

寶竹菴在城東二百五十里七家坪

壽自菴在城西十里太常村之西康熙四十九年建

慶玉菴在城西二十八里銅鼓山康熙三十二年建

赤竹菴在城西三十里青山坡崇禎二年建

汝州府志

卷十八

壇廟考

六

古寨菴在城西四十五里

舊溪菴在城西四十五里朝陽村萬歷十年建

琪平菴在城西六十里崇禎時建

紫雲菴在城南五里望城坡乾隆己未知府永泰捐修

雨花菴在城南二十里雲從洞藍水繞其前幽曲間雅

足供遊覽

台菴在城南四十里康熙六年重修

黃龍菴在城南四十里康熙二年建

金華菴在城南六十里金華山之巔中有雷洞雷常出

入菴內頗稱靈異菴後有玉皇閣覆以鐵瓦每瓦長

三尺餘始足耐風乾隆二十五年潘正龍募建

竹葉菴在城南八十里樂依溪萬歷甲申建

金鷄菴在城南八十里金鷄山前繞樂依溪山幽水曲亦勝境也

九龍菴在城南八十里九龍山康熙三十八年建

今聖菴在城南八十五里萬歷二十六年建

華光菴在城北成化時建

手版菴在城北三里紅土坪

蟠龍菴在城北二十里烏速山與小西對峙

水鏡菴在城北七十里康熙三十三年建

成州府志

卷十八

壇廟考

三

佛寧菴在城北九十二里崇禎五年建

雲霧菴在城東南三十里赤竹山萬歷四十二年建知

縣袁偉爲題淨室銘康熙四十七年重修

尖峰菴在城西南八十里船溪

入雲菴在城西南一百二十里浦市俗呼中菴

漣溪縣

社稷壇在城北延禧觀右雍正十年知縣張宏烈捐俸重修祭期規制同府

風雲雷雨山川壇在東洲規制同府

縣厲壇在北郊延禧觀左規制同府

農壇在城南武口洲規制與沅陵縣同

城隍廟在城東故分司署西舊建於龍鬢巷中隆慶六年毀於水萬歷元年知縣王京以故廟址為縣署乃遷廟於今所堂二楹東西吏舍八間門二楹土地祠居門之東康熙二十三年知縣宋逢盛五十八年知縣王光夔乾隆二年知縣周相二十年知縣顧奎光先後重修

旗纛廟在縣治北祭期同府

關帝廟祭期規制同府一在城北郊康熙初年修乾隆二十二年重修知縣顧奎光記一在浦市正街徽州

辰州府志

卷十八

壇廟考

三

客民捐貲購建一在浦市河街山陝客民捐貲共建知縣王光夔記

馬忠成侯廟在北城內祀漢伏波將軍及耿夫人其他浦市青坪各鄉鎮建廟甚衆

耿公廟在城對岸南江祀漢牟平侯中郎將耿公舒

王廟城北楊劉溪上野茅嶺下歐溪榔木溪布條坪龍形衝諸鄉村皆有之祀漢夜郎王三子王以竹為姓武帝元鼎六年來降封為王三子皆為侯俱能以功德撫綏苗衆發靈於夜郎邑人多立廟祀之唐韓翃美辰州李中丞詩功成冀異日應見竹郎祠蓋謂

此也俗稱白帝天王或曰漢田疆初爲五溪酋長
信素著王莽欲招來之錫以銅印疆義不屈有子
皆雄勇自保曰吾等漢臣誓不事二姓乃以三子將
五萬人下屯沅東各築一城烽火相應以拒莽舊傳
沅州白龍潭有白龍卽其第三子宋錫廟額曰潛靈
廟見曹學佺名勝志白帝之稱或卽是歟若俗所傳
楊業八世孫及云古驩兜者更爲無據

岳武穆廟在下歐溪祀宋武穆岳公飛

飛山廟在燒然溪今廢

辛女廟在城西南二十五里

辰州府志

卷十八

壇廟考

古

水府廟卽江西會館在浦市河街江西客民建以祀旌

陽令許公遜

土主廟在浦市西

東嶽廟在浦市西

張公廟在浦市西祀唐睢陽令張公巡

雷公廟在浦市西祀唐睢陽偏將雷公萬春

南公祠在城東正街祀唐加贈特進揚州都督南公霽

雲上歐溪洞頭寨浦市俱有廟

尹公祠在城西正街祀尹公吉甫舊稱楊侯廟以神祀
自楊姓始也浦市亦有廟

永懷祠在龍吟閣下萬歷末邑人建以祀署縣周公鳴
雲霄殿在縣治右正街

公安殿在城西藤子嶺延禧觀右各鄉村廟宇甚衆祀
土穀風雲雷雨龍王諸神每歲十月朔日潔備祭物
祀畢行會飲禮長幼以次就坐盡歡而散亦古者報
賽之意也

元天殿又名北極宮在城西二十里天橋山頂上有龍
池萬歷癸未居民禱雨有應祀真武像於中乾隆二
十一年重修

真武殿在浦市大朝山自宋創建歷加修葺乾隆辛酉
辰州府志

卷十八

壇廟考

五

燬於火復建

三官殿在浦市

九母殿在浦市後街

水星閣在城東

文昌閣在城北延禧觀後洪武初建乾隆二十八年知
縣吳珣改建於南門

玉皇閣在城南對岸

廣福閣在中塘村明進士楊卓然題額

觀音閣在城西萬歷四十七年建一在溪頭合水村又
有菴在三衝坪

建興閣在浦市西北

大方閣在浦市

三元宮在城西高家坡者久廢今在浦市河街浙江客民捐貲購建

天后宮在浦市西街福建客民捐貲購建

延禧觀在城西藤子嶺成化間建嘉靖崇禎中修康熙

丙寅重修

廣福寺在縣治右偏萬歷元年重建十年重修知縣吳

一本題其中楹曰似廬乾隆二十二年重修

仁壽寺在江東乾隆二十七年邑人重建

辰州府志

卷十八

壇廟考

六

上方寺在縣南六十里正德中建隆慶時修初名臥雲

菴又名崇善乾隆七年重修知縣胡儋改題今名

雲頭寺在城西北十里雲頭山雲氣高湧景象幽奇

香爐菴在城北三里許峰巒峭聳林木陰翳嘉靖甲午

構元武殿於上俯瞰江流遠覽山色最為佳勝

催龍菴在城北三里三台山萬歷初建後知縣梁宏任

毀之乾隆二年重建城郭繚繞其前寺宇拱挹於三

山之中更曰三台精舍名與地稱

白衣菴在城北乾隆丁卯重建一在浦市北

準提菴在北郊康熙乙巳年建

興龍菴在城北十里下茅凹錯架山之巔乾隆十六年
建又有名興隆者一在燒然溪一在浦市洪武七年
建邑人牛鳳有詩又茅坪有永隆菴

上茅菴在城西十五里上茅凹

雲崑菴在城西北十里

中茅菴在城西北十五里中茅凹

祖師菴在獅獅洞

廻龍菴在桐木坳鄉村中多有同名者不盡載

蘇溪菴在蘇木溪橋頭

崖門菴在大溪口崖門中俗稱興福

辰州府志

卷十八

壇廟考

七

麻隴菴在麻隴龍鳳山

祥雲菴在三層坡

達嵐菴在達嵐俗稱延福

金鐘菴在大市凹

碧雲菴在碧溪

桑頭菴在城南四十里丫桑頭

道堂菴在浦市東又稱下菴建自唐時有古鐘重二十
勛洪武己未重修

映月菴在浦市北

如雲菴在浦市東北一名龍興俗稱興隆洪武七年建

萬歷四年修康熙二年乾隆二十一年里人重修

鳳山菴在浦市西北鳳凰山

獅子菴在浦市北

生寶菴在浦市生寶俗稱培龍萬歷十七年建康熙辛

丑乾隆庚申重修

鹿場菴在鹿場凹去城六十里

雙江菴在中塘麻隴兩溪口去城六十五里

長慶菴在高橋去城七十里

崇果菴在都旗去城七十五里

白溪菴在城南八十里白頭溪俗稱資福

辰州府志

卷十八

壇廟考

六

迎虹菴在合水去城九十里

吉祥菴在石榴坪去城九十五里

大覺菴在蘭村去城一百里

高峰菴在大皤田去城一百一十五里

踏虎菴在城南一百三十里

辰谿縣

社稷壇在西郊祭期規制同府

風雲雷雨山川壇在城南對河規制同府

縣厲壇在北郊規制同府

先農壇在西郊規制同沅陵縣

城隍廟在城東萬歷二十四年知縣李藻建規制同
縣憲廟祭期同府

關帝廟在城西新息侯祠之右萬歷十三年知縣朱同
軌建

水府廟在縣臨河萬歷廿四年知縣李藻建康熙中修
上古廟在上南門外龍船洲

下古廟在西郊柳樹灣

霽官廟在西郊

飛山廟在城南二十里黃埠

東嶽廟在城南五十里小龍門

辰州府志

卷十八

壇廟考

九

善卷祠在城南對河宋祥符中修舉闕祀辰州通判歐
陽陟專郡政爲請於上賜額遐世高蹈先生始立祠

新息侯祠在縣西關廟之左祀漢伏波將軍馬公援

曹公祠萬歷四十年邑人建以祀知縣當塗曹公行健

李公祠天啓元年邑人建以祀知縣南城李公有譽

朝元祠在城北里詩乾隆丁卯邑人募建

真武殿俗稱祖師殿在城西二里舊有明將軍鄧子龍

詩碑康熙五十一年重修

雷神殿在城東一里

文昌閣在縣南傍城爲臺明時建久廢乾隆三年知縣

陳朝上重創督糧道謝濟世有記

紫霄閣在金紫門上

鯨音閣在北郊宋時建

魁星閣在縣東南隅建於城樓

大酉觀在縣南對河萬曆三十六年知縣曹行健清理

侵佔田畝重加修建旁有祠祀知縣盧公九雲

景星觀在城東三里

柏廷觀在城東十里宋元豐八年建

善化寺在城東宋元豐中建

大岐寺在城東八里

辰州府志

卷十八

增廟考

辛

大冶寺在城東十里山水環抱足恣勝覽康熙初僧朗

慧募建正殿十楹旁殿八楹廊房各十有二

爐坡寺在城東二十里

長隱寺在城東一百二十里東山邑人米元偁有詩

元天寺在城南明時所建

丹山寺在城對河丹山洞之半面臨江渚清幽莫匹康

熙二十一年知縣朱兆梓始建

桂山寺在城南三十里

錦崑寺在城西五里康熙時建邑人米肇灝題有詩

文華寺在文華山界鄰芷江縣

祥雲菴在城東三里觀風亭

中洲菴在城東十里木洲之中

太平菴在城東十里

召憇菴在城東十五里界排萬歷三十七年辰州知府毛允讓夜憇於此不擾其民後卒人追思之故名知

縣曹行健有記

爐山菴在城東二十里山頂叢石盤鬱透翠如爐一徑危險仰攀而上菴前有井清泉不竭

樵雲菴在城東一百三十里羅子山巔矗立雲端屋瓦皆覆以鐵雷時出入菴中居者雖盛夏猶衣薄絮

辰州府志

卷十八

壇廟考

三

覺菴在羅子山半石崑中

玉筆菴在城西舊有高閣二層與塔對峙為邑文峰水雲菴在城西真武殿側康熙五十一年重修石壁森立松竹掩映堪供遊玩

寶塔菴在城西五里萬歷庚戌知縣曹行健建銘塔有碑其詞曰水合兩江峰高七級錦鷄奮翼金垣壁立人文肇興閭閻駢集於萬斯年永奠辰邑

窻子菴在城西十八里

紫山菴在城南十五里紫金山日色掩映山光可悅天寧菴在城南三都黃埠

泉菴在城南四十里山上有泉境最清逸

大圖菴在城南四十里大圖山

中華菴在城南八十里

陽山菴在城南八十里龍陽山明時建峰頂有亭覆以

鐵瓦夏月遊憩其中不知為伏暑四時長在烟霧中

龍頭菴在城南一百里九曲溪水環折相繞林木翳鬱

差稱勝概

舊村菴在城北七里兩嶺對峙谷深林茂夏時陰翳暑

日不侵明中葉建菴後燬於火康熙初復創

九菴在城北八里九崑矗立拱環左右

辰州府志

卷十八

壇廟考

三

鳳石菴在城東南八十五里鳳凰山石壁峭立勢如鳳

鳥翱翔江渚憑欄遊覽別有清趣

太和菴在銅山鄉知縣曹行健題有詩

從龍菴在從龍山康熙三十三年知縣沈天漢建

文章菴在黃溪洞下竹樹森羅猿啼鳥啣之聲時接於

耳遊洞者常假以憩息

白池菴前有白猶池一泓可掬四圍環種榛栗入其境

幽興頓生

象山菴在唐冲村溪影山光互相蕩漾亦村中佳境也

永隆菴在桐木溪

淑浦縣

社稷壇在東郊寺山坪先農壇在雍正十年建祭期規制同府

風雲雷雨山川壇一名南壇在西郊夏佳坪雍正十年建規制同府

縣屬壇在北郊獅子巖規制同府

先農壇在東郊寺山坪雍正五年建規制同沅陵縣

城隍廟在城東天啓四年建乾隆二十二年知縣陶金諧重修自爲記正堂一楹東西吏舍六間前爲石坊後爲樓三間左右廊房二間

辰州府志

卷十八

壇廟考

三

關帝廟在城西萬歷十九年知縣姚繼貴建康熙三十二年署知縣解鑄修祭期同府又有廟在東郊文蔚山廬峰書院後嘉靖十三年建知縣汪廉重修一在草村赤壁

伏波廟在西郊祀漢忠成侯馬公援俗稱馬王廟一統志宋建明萬歷五年重修其建於各鄉村者詳縣志中

忠臣廟在縣署東舊名黑神廟莫詳所始有以爲南公霽雲者有以爲雷公萬春者乾隆二十七年重建知縣陶金諧爲更今額一在崑屋田嘉靖四十三年典

史李日初重修知縣楊再喬記

水府廟江西客民捐貲購建以祀晉旌陽令許公遜共
修建四處一在西郊萬歷二年建乾隆十年重修一
在大江口乾隆九年建一在橋江乾隆十八年建知
縣陶金諧記一在底莊乾隆二十八年建

文公祠在縣東今廢

石公祠在崑版鄉營盤山明嘉靖中建以祀總兵石公
邦憲今改僧舍仍祀公像其中

義士唐元宗祠在崑版鄉接龍橋嘉靖中建乾隆辛巳
金匱楊鴻觀記

辰州府志

卷十八

壇廟考

五

潘袁二公祠在縣署儀門左康熙中邑民建以祀知縣
宜興潘公眉長洲袁公丕基

陶公祠在盧峰書院之左乾隆二十九年邑民建以祀
知縣南城陶公金諧一名德政祠桑植令顧奎光記
泗龍閣在城西靈翠山舊有菴久廢乾隆十年貢生荆
自才同邑人建閣三層題今名

水星閣在城北華蓋山舊爲九苞書院崇禎末知縣林
龍彩以邑多火災改建今閣康熙中重建知縣潘眉
捐出以贍守者

文昌閣在油洋鄉各村

文心閣在朱灣鄉八門乾隆五年邑人卽明慶壽菴建

今閣

乘偶閣在仲夏鄉石灰堂水口

文源閣在江口清江屯

青鳳閣在連塘窰同遊林

廻龍閣在龍潭品成鄉張家村又有嘲龍閣在底莊紅

花園

白佛閣在馬田鄉

觀音閣建於溪口各鄉村

忠靖殿在江口鄉茶灣

辰州府志

卷十八

壇廟考

五

三清殿在花橋鄉

金寶殿在花橋

真武殿俗稱祖師在油洋各鄉村

七星殿在江口鄉白崑頭乾隆十八年建

金靈堂在社坪

景星觀在城東鶴鳴山麓宋天聖七年建崇寧五年賜

今額洪武中火正統四年重建成化十六年萬歷十

一年修中三清殿後通明殿前五岳殿右雷殿及三

元宮乾隆戊寅修山頂爲元天宮明時所建

按曹學佺名勝志云漢馬援征蠻時遇見景星故

名不知壺頭山以上伏波實未嘗至也

普化寺在城東雲洞橋左宋元豐初建元末兵毀明洪武初重建崇禎中火知縣林龍彩復建左圓通閣萬歷壬子修乾隆庚辰重建右慈雲殿乾隆壬午創

王沙寺在朱灣鄉柳林

白蓮寺在道塘

東岳寺在毛灣鄉鶴田屯

漳嘉寺在毛灣張家寨

葉莊寺俗稱興隆在毛灣葉家莊

西平寺在葉家莊

辰州府志

卷十八

壇廟考

美

竹山寺在葉家莊大竹山

白雲寺在毛灣崙脚

芙蓉寺在烏峰芙蓉山中舊時遠徑秋花月皎香清如

坐蓬島

梅溪寺在嵒版鄉連河屯

廣福寺在嵒版鄉巡檢署側舊名聖壽宋熙寧中建洪

武中寇毀宏治元年重建康熙三十四年修

雲溪寺在連河屯

雲石寺在仲夏鄉盧峰

三聚寺在盧峰

菩提寺在花橋鄉乾漢寺中羅漢松一株大逾合抱高
可百尺蓋數百年物寺鐘爲明嘉靖時鑄舊名迴龍
菴又名觀音堂乾隆二十七年知縣陶金諧爲題今
名作羅漢松歌

碧雲菴建於車頭各鄉村

清溪菴在富灣

大定菴在車頭鄉泥湖

迎豐菴在黑昂萬歷四年鄉民建以祈年

水藕菴在羅公坡各鄉村

文善菴在溪口鄉江邊

辰州府志

卷十八

壇廟考

三

簡山菴在油洋鄉小水田

紫雲菴在崑塘各鄉

綠坡菴在油洋鄉綠坡

白流菴在新田

佛履菴在油洋鄉大芷坊

紫荆菴在紫荆山之巖其麓別建淨室

永鏡菴在白象山浮屠高聳乾隆甲子建

海峨菴在朱灣鄉大崑屋

青華菴在朱灣

望雲菴一在望雲坡一在拖峰坡

明月菴在黃栢林

青雲菴一在中坡一在花橋

鏡靜菴在坎水橋

林泉菴在思蟠溪林泉山

靈翠菴一在窑頭一在崩頭乾隆癸酉建

西山菴在兩丫鄉沙口

雲鷲菴在兩丫坪康熙中建

古梅菴在鶴田屯康熙十六年建

黃鶴菴在鶴田屯崇禎中柳仙飼鶴於此後乘鶴去邑

人即憇鶴亭故址建菴以祀

辰州府志

卷十八

壇廟考

天

蒲竹菴在大埠江

栗山菴在毛灣栗家寨

黃雲菴在茶溪衝

翠凝菴在崑版鄉譙家村

圭洞菴迴瀾菴俱在韓家橋

汝菴在張家村

箕山菴在馬田鄉

古佛菴在思蒙崇禎中張國聰葺乾隆二十四年重修

山深谷邃古木幽篁蔽日境最深僻

龍歸菴在思蒙崇禎中張國聰建祀盧真人像禱雨常

應乾隆十六年重修

觀溪菴在仲夏鄉太平門臨山渚澄澈自在

雲西菴在江口鄉曹家溪雲西山

太白菴在大潭鄉雙江口

湧泉菴在竹坡坊湧泉山麓

白雲菴在楓香林

紫霞菴在覃村鄉紫霞山

紫來菴在小坳

翠鑰菴在覃村鄉花口

塔菴在花橋鄉塔下萬歷甲寅建浮屠七級俗稱永甯

辰州府志

卷十八

壇廟考

无

塔上有樹數株四時蔥翠可愛康熙壬辰下級忽裂

二寸許久復自合

柳林菴在底莊鄉

經塔菴在牌田鄉白雲山

紫霄菴在牌田

清水菴在明川鄉清水塘

太平菴在明川鄉黃茅

按淑浦縣志以菴名者數百不能悉登擇其名宇

稍雅馴者記之

乾州廳

心稷壇在東郊雍正十年建祭期規制同府

風雲雷雨山川壇在西郊雍正十年建規制同府

廳厲壇在東北郊規制同府

先農壇在東郊雍正六年建規制與沅陵縣同分巡道

王柔捐置水田一畝乾隆八年農官饒必聰復捐水

田一畝

土地祠在廳署頭門內

城隍廟在城西土垣內康熙十年建正殿三間後殿三

間門一楹

馬祖廟俗稱馬王祀天駟星也在石城南

辰州府志

卷十八

壇廟考

三

旗纛廟祀蚩尤神每歲霜降日武官迎神祭於演武廳

關帝廟在城東土垣內康熙十一年建殿二楹門一楹

祭期同府

旌陽廟在城東土垣內一名水府廟江西客民建以祀

旌陽令許公遜

真武廟在土垣東角之南

竹王廟在城北五里鴉溪俗稱白帝天王詳前瀘溪下

毘羅寺在城東一里毘羅山

小溪菴在城東二里

衝天菴在城南二十里衝天峰之巔

鳳凰廳

志稷壇原在北郊乾隆十九年通判蘇暢華建二十二年兵備道淑寶通判楊盛芳遷建南郊祭期規制同府

風雲雷雨山川壇原在北郊乾隆十九年通判蘇暢華改建於南郊規制同府

廳厲壇在西北郊規制同府

先農壇在東郊演武場左山麓雍正四年通判白豐建乾隆二十二年通判楊盛芳重修規制同沅陵縣

城隍廟在城東南隅堂二楹門一楹雍正十三年通判

辰州府志

卷十八

廟考

三

何潛建

馬祖廟在城隍廟左祀天駟星俗稱馬王

旗纛廟祀蚩尤神每歲霜降日武官迎神祭於演武廳

火神廟在東郊大橋西乾隆二十年建

關帝廟在火神廟左乾隆二十一年通判楊盛芳修殿

二楹門一楹

外其小府

諸葛武侯廟在城東對河奇峰山之麓乾隆二年總兵

林祖臣修

竹王廟在二十里靖疆營俗稱白帝天王詳前瀘溪下

水府廟在城東二里一名旌陽廟江西客民建祀旌陽

許公遜

廟在東郊

殿在南郊風雲壇左

安殿在城北一里鄉民祀土穀諸神以昭報賽之意

皇閣在城南二里

龍閣在城東一里許

三官閣在城南二里

南華禪林在城南三里南華山頂徑欹樹密最為幽靜

奇峰寺在城東二里

青雲寺在城東三十里溪口之青雲山

辰州府志

卷十八

壇廟考

三

紫雲寺在城東北三十里

靈山寺在城東北五十里靈山之巔

東山寺在城東北六十里之東山

雷菴在城東北五十里靈山雷常洗殿纖塵必滌

永綏廳

社稷壇在東郊分其制同府

風雲雷雨山川壇在東郊規制同府

厲壇在北郊規制同府

農壇在東郊規制同沅陵縣

廟在廳城外乾隆二十三年同知張天如移建西

城內

旗纛廟祀蚩尤神每歲霜降日武官迎神祭於演武廳
關帝廟在城北祭期同府又有里民建於河口市排補
美者

竹王廟一名顯遠引一在小西門外里許一在城西四
十里隆團雍正十年里民建一在城西五十三里俗
稱白帝天王詳前瀘溪下

朝陽廟在城西五十里朝陽山乾隆十五年建
水府廟在城西北七十里花園東乾隆二十七年江西
客民建以祀旌明令許公源

辰州府志

卷十八

壇廟考

七

飛山廟在城西七十里茶洞村乾隆十六年里民建
三撫廟在城西八十里茶洞村雍正三年里民重修
公安廟在止喇村建以祀土穀諸神乾隆二十年重修
雲月寺在城東三十里尖崑乾隆十八年里民重修
筆峰寺在城東尖崑乾隆十八年修

香爐寺在城西八里茶洞村乾隆十六年里民重修
碧峰寺在城東北三十里又有明月寺與之相聯
興隆寺在東郊雍正九年巡道王柔建延高僧悅可居
之同知段汝霖捐置大鐘一小鐘二

辰州府志壇廟考第十八終

